

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



საია საკონსტიტუციო სასამართლოში კიდევ ერთ სარჩელს შეიტანს

საქართველოს ახალგაზრდა იურისტთა ასოციაცია ადამიანის უფლებათა საერთაშორისო დღეს საკონსტიტუციო სასამართლოში სარჩელს შეიტანს.

საიასთან ერთად საკონსტიტუციო სასამართლოში მოსარჩელებს წარმოადგენენ მოძრაობა "7 ნოემბრის" წევრები, დარი ცაგურია და ჯაბა ჯიშვარიანი. მოსარჩელები სადავოდ ხდიან "შეკრებისა და მანიფესტაციების შესახებ" საქართველოს კანონის ცალკეული ნორმის, მათ შორის მე-11 პრიმა მუხლის პირველი და მეორე პუნქტების, ასევე ამავე მუხლის მე-3 პუნქტის პირველი წინადადების და მე-5 პუნქტის ბოლო წინადადების კონსტიტუციურობას კონსტიტუციის 25-ე მუხლთან მიმართებაში.

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ეს არის ის, ცვლილებები, რომლებიც საქართველოს პარლამენტმა კანონში შეიტანა 2009 წლის 17 ივლისს. აღნიშნული ცვლილებების შესაბამისად, ტრანსპორტის სავალი ნაწილის ნაწილობრივ ან სრულად გადაკეცვა შეიძლება მხოლოდ იმ შემთხვევაში, თუ შეკრებაში ან მანიფესტაციაში მონაწილეთა რაოდენობის გათვალისწინებით შეკრების ან მანიფესტაციის სხვაგვარად ჩატარება შეუძლებელია. ტრანსპორტის სავალი ნაწილი მხოლოდ იმ დროის განმავლობაში რჩება გადაკეტილი, რომელსაც მოითხოვს შეკრებაში ან მანიფესტაციაში მონაწილეთა რაოდენობა.

გარდა ამისა, საკონსტიტუციო სასამართლოში გასაჩივრებულია საქართველოს ადმინისტრაციულ სამართალდარღვევათა კოდექსის 166-ე მუხლის (წვრილმანი ხულიგნობა) სიტყვები: „სხვა ამგვარი ქმედება.“ ეს არის ის ნორმა, რომლითაც ჯაბა ჭიშკარიანს და დამი ცაგურიას არაერთხელ დაეკისრათ ადმინისტრაციული სახდელები (ჯარიმა და ადმინისტრაციული პატიმრობა), მაშინ როდესაც აღნიშნული ადამიანები საქართველოს კონსტიტუციის 25-ე მუხლით გარანტირებული შეკრებისა და მანიფესტაციის თავისუფლებით სარგებლობდნენ.

კონსტიტუციური სარჩელი ეფუძნება ადამიანის უფლებათა ევროპული კონვენციის მე-11 მუხლთან დაკავშირებით სტრასბურგის ადამიანის უფლებათა ევროპული სასამართლოს პრეცედენტულ სამართალს, ასევე „შეკრების და მანიფესტაციის შესახებ“ საქართველოს კანონთან, მათ შორის 2009 წლის 17 ივლისის ცვლილებებთან, დაკავშირებით ვენეციის კომისიის ორი წევრის, ბოგდან აურეშკუს (რუმინეთი)

[http://www.venice.coe.int/docs/2009/CDL\(2009\)153-e.asp](http://www.venice.coe.int/docs/2009/CDL(2009)153-e.asp) და ფინოლა ფლენეგანის (ირლანდია) [http://www.venice.coe.int/docs/2009/CDL\(2009\)153-e.asp](http://www.venice.coe.int/docs/2009/CDL(2009)153-e.asp) მოსაზრებებს.